



ЯМДЕ ЛИЙ

1933 ий 1 февраль годсек лектеш.

0+

Йоча чоным вӱчкышӧ улат!

1 февральште шергакан да йоратыме «Ямде лий» газетлан 85 ий темеш.

85 ИЙ - ЭРТЫМЕ КОРНО, ИСТОРИЙ



Кодшо курымын 30-шо ийласе орфографий дене возалтше «Ямдэ лий» газетын икымше номерже 500 экземпляр савыкталтын. Икымше редакторжо Зинаида Емельяновна Яковлева лийын. Тӱрлӧ жапыште К.Т.Коряков, Г.Г.Бажанов, Н.Л.Смирнов, И.М.Музуров, П.А.Клюкин газетым лукмаште тыршенят. Кугу Отечественный сар ийлаште газет лекмым чарнен. Вара «Молодой коммунист» редакций пелен, а 1977 ий гыч посна савыкталташ тӱналын.

1 февральште Йоча тоштер-ончер рӱдерыште

(Йошкар-Ола, Эшкинин урем, 10 А) «Ямде лий» газетлан 85 ий темме лӱмеш выставке почылтеш. «Ший памаш» сылнымут фонд дене пырля эртарыме «Рвезе йӱк» конкурсшто, викторинылаште сентыше-влакым саламлаш тӱналына. Чыладамаш 11 шагатлан пайремыш ӱжына!

85 ИЙ - тиде ТАЧЫСЕ КЕЧЕ



Юбилей кечын айста тургыжландарыше йодышымат ӧрдыжеш огына шӱкал. Эн кугу экшык - йолташ-влак, газетнан тачысе тиражше дене моктаненжак огына керт. Ик тӱжем лудшына уло. А мынярын «Ямде лийым» налде-ужде илат? Кажне марий икшыве марла йоча газетым налшаш - теве тыгай ӱжмаш илышаш кажне марий егын: ача-аван, коча-кован, туныктышын - чоныштыжо.

85 ИЙ - тиде ОНЧЫКЫЛЫК ЖАП

Газет умбакыжат илышаш, лудшыжым ешарышаш, возышым куштышаш. Вет савыктыш (книга, газет, журнал, т.м.) - калыкын чурийже, палыже; мландымбалне улшо тӱжем калык-влак коклаште марий калыкнам палдыртыше тамга.



Ош ужган теле

Теле толын. Мландым ош лум леведын. Пӱшенге-влак ош ужгам чиеныт. Ялысе пӧрт-влак ош ушым ушалыныт. Ял мучашысе кугу курык йоча-влакым пеш вуча. Теве ик капка кочыртатыш: «Лекта-а-ам». «Мие-ем», - весе вашештыш. Тиде йоча-влак урмышке вашкат, корно палыме - кугу курык деке. Чымалтыч. Уке, чоңештышт.

Пӱшенге-влак ошелыныт. Малат мо? Аленерат? Уке дыр. Ял илышым эскерат. А тудыжо вашталтын. Илыш радалже дене эрта, кызыт телылан келыштаралтын.

Дима АРХИПОВ, 3-шо «Б» класс.
Морко, Коркатово.

«Ямде лийын» почтыжо



Арнясе ойыртемалтше серыш Дима Архиповын. «Эн сылне серыш» рубрикиш пуртенна. Дималан фотосо книга - пӧлек.





ПАТРИОТ лийын кушкына

23 январьште Йошкар-Олаште Самырык-влакын полатыштышт Оборонно-массовый да военно-патриотический месячник почылтын. Тудо Шочмо элым аралышын кечыжлан пӧлеклалтын.

Ты гана ятыр юбилей дене кылдалтын: тиде Россий полицийлан 300 ий, Вооружённый Вийлан 100 ий да Сталинград крдалмаште совет войскан сенымыжлан 75 ий темын. Тунемше, кадет да юнармеец-влак луйкалыме вооруженийым, специальный назначениян войска-влакын снаряжений ден оборудованийыштым, бронетехникым выставкылаште онченят. Залыш погынышо-влакым Марий Эл Правительстве Вуйлатышын алмаштышыже С.А.Воронцов саламлен.

Мемнан шк о л ы ш т а т тыгаяк месячник тӱнале. Мероприятийым историйым тунуктышо З.Ф.Богданова эрта-рыш. Пеш сай презентацийым ончышна. Унала ончычсо тунуктышо-влак Е.И.Бирюкова ден Е.С.Медведева толыныт. Районысо ветеран-влак ушемем вуйлатыше Т.С.Бирюкова сар да тыныс жапысе патриот-влак нерген ойлыш. Тунемше-влак Россий, шочмо эл нерген мурышт, почеламутым лудыч.

Н.СЕМЕНОВА.

Ангелина ВЕДЕНЬКИНА, 7-ше класс.
У Торъял, Кузнеч.

Йӱштӧ Кугызалан тау

Декабрьште М.Шкетан лӱмеш Марий драмтеатрыште «Йӱштӧ Кугызан пӧртшӧ» усталык конкурс эртыш. 76 паша гыч «Эн йылгыжше пӧрт» номинацийыште мый 1-ше верым налым. Сеныше-влак «У ий патруль» ёлкым эртарышт. Тыште мыланна дипломым, гирляндым, издерым, ечым, театрыш кошташ 1 тӱжем тенгеаш сертификатым кучыктышт.



Анна ЕРОСЛАНОВА.

У Торъял школ.



«Кайык үстел»

Кызыт йӱштӧ теле озалана. Шулдыран йолташна-влакын кочкышышт лум йымалан кодын. Садлан школышто «Кайык үстел» акцийым эртарышна. Тӱналтыш класслаште тунемше-влак эн чулым лийна. Варвара Мустаеван, Саша Медведевын, Даша Шабалинан, Екатерина Ибраеван, Артём Зоринын кормушкыштым жюри эн сайлан шотлыш.

Айвика МУСТАЕВА, Катя ИБРАЕВА,
3-шо класс.

Шернур, Мустай.

Морко районышто тунемше-влак коклаште ече дене тагасымаш Арыныште эртен. Игече йӱштырак ыле гынат, 11 школ гыч 120 ечызе ушнен. Сеныше-влак: Андрей Андреев (2-шо №-ан Морко школ), Виктория Петрова (Арын школ), Мария Ильина (6-шо №-ан Морко школ).

В.СМИРНОВ.

Историйым шергалына

★1944

ий 27 январьште совет салтак-влак Ленинград олам блокаде деч тичмашнек утареныт. **Блокаде 872 йӱд-кече шуйнен.** Ик миллион утла енын ӱмыржӧ лугыч лийын. 1995 ий гыч 27 январь Воинский чап кече семын палемдалтеш.

★75 ий ончыч, 1943 ий 2 февральыште, Сталинград крдалмаште совет войска фашист-влакым кырен шалатен. Ты крдалмаш Кугу Отечественный сарыште ик эн кугулан шотлалтеш.



Кечышотым эскере

28 январь – Интернет деч посна этарыме тӱнямбал кече. Британийысе социальный изобретений институтын пашаенже-влак 2001 ийыште ты йодышым тарватеныт. Кеч ик кечым Интернетым кучылтде эртараш ӱжыныт.

2 февраль – Вӱд да куп кумдык-влакын кечышт. Тидын нерген Тӱнямбал конвенцийым 1971 ийыште Рамсар олаште (Иран) пенгыдемдыме. Марий Элыште 400 утла куп уло.



МАРИЙ МУТЧО



КУЗЬМИН
Евгений Петрович,
историй науко кандидат

Шочмо вер: Морко район Усурт (Новый Юрт) ял.

Шочмо кече: 1977 ий 3 январь.

Тунемме вер: Шенше кыдалаш школ (1994 ий). Марий кугыжаныш университетысе историй да филологий факультет (2000 ий). МарГУ пеленысе аспирантур (2003 ий).

Диссертаций теме: «Воеводское управление в Марийском крае в XVIII веке».

Паша корно: 2004-2007 ийла – Йошкар-Олан историйже тоштерын шанче пашаенже; 2007-2009 ийла – энциклопедий пашам виктарыме шотышто МарНИИЯЛИ-н шанче пашаенже; 2009-2014 ийла – МарНИИЯЛИ-н директоржын алмаштышыже; 2014-2017 ийла – Т.Евсеев лумеш Национальный музейын директоржын науко паша шотышто алмаштышыже; 2017 ий гыч В.Васильев лумеш Йылмым, литературым да историйым научнын шымлыше марий институтым вуйлата.

Шымлыме паша: 70 угла шанче ден науко да методике пашан, 2 монографийын авторжо. «Они защищали Родину» (2002-2005), «Они ковали Победу» (2007-2010) Йошкар-Олан Шарнымаш книгалажым ямдылымаште пашам вуйлатен.

Чаплум: С.Г.Чавайн лумеш Кугыжаныш премийын лауреатше.


– Евгений Петрович, историк лияш шонымаш кунам шочын?

– Изием годсек чыла пален налаш тыршыше лийынам. Точный науко уроклаште мыланем йокрокын чучын. Марий да руш йылме, литератур, историй да географий уроклам пеш йоратенам. Нине предметла дене олимпиадыште уш-акылем чўчкыдын тергенам. Шенше школышто историйым тунуктышо-влак Р.В.Тимофеева ден С.А.Иванов ончыкылык илыш корнем ойыраш полшенят. Ж.Вернын, Ч.Диккенсын, Д.Лондонын, Майн Ридын серыме книгаштым лудаш чот йоратенам. Нунын историйышт, путешествийышт мыйым, ялысе рвезым, тўня мучко коштыктеныт, сандене географий предметым чот йоратенам. Географ лияшат шоненам, но ты профессийлан Марий Элыште тунам огыт тунукто ыле. Тыге илыш пўрымашем Марий кугыжаныш университетыш историйым тунемаш конден.

– Шанче пашашке ушнаш кў кумыланден?

– Профессор, историй науко доктор А.Г.Ивановын вуйлатымыш почеш икымше курсышто курсовой пашам возенам. Кокымшо курсышто «Воеводское управление в Марийском крае в XVIII веке» темым ойырен налынам. Тыге шанче аланышке икымше ошкылым ыштенам улмаш. Тиде теме денак диплом пашам араленам. Аспирантурыш тунемаш пурашат Ананий Герасимович ой-кагашым пуэн да шанче пашамын вуйлатышыже лийын.

Л.ГРИГОРЬЕВА мутланен.



*Историй нау-
кышто факт,
событий, дока-
зательстве тўже
верыл айллат.
Тылец вара веле
событийым ак-
лаш лиеш. Я
акыл кажне ис-
торик шке се-
лырже нуа. Э
тўжежў: истори-
ийы мондылар
огыл. Уке гыж,
историй собы-
тий илыштыш
узи пўртылыр
кертеш. Исто-
рий илаш ту-
ртыкта, жо ту-
ртык умылен
лоштылар, ко-
лыштылар.
Е.КУЗЬМИН.*



Йөн моткоч шуко!

Туныктышын мутшо

Школышто чыла тунемме программе күлешан да пайдале. Йошкар-Оласе 15-ше №-ан школыштына марий йылме предмет уке. Тидыже чот ойгандара. Мыйын вуйлатыме классыштем 26 икшыве тунемеш. Тушечын 12-шо – марий ача-аван икшывыже. Молыжо – татар да руш. Йоча-влак шке коклаштышт рушла кутырат, шочмо йылме дене савыкталтше литературым огыт луд.

Мый Марий Элыште илем, марий шўлышан улам. **Йоча-влакым марий йылме, марий культуран деке молан шўмангдаш огыл? Кузе? Йөн шуко:**

- ❖ Тунемше-влаклан республикна нерген шукрыак каласкалаш тыршем. Нунын дечат калыкнан лўмлў енге-влак нерген информацийым погаш йодам.
- ❖ Музейлаш коштына, кеч-могай меропрятийым эртарыме годым марий почеламутым, мурым, йомакым кучылтына.
- ❖ «Жили-были наши предки» теме почеш сочиненийым возена, тукумвож пушенгым ыштена.
- ❖ Йоча-влаклан марий йомак-влак пеш келшат. Чоткар, Онар, Кокша патыр-влак нерген лудмеке, сўрет конкурсым эртарена.
- ❖ Икымше класс гычак «Кече» журналым, «Ямде лий» газетым лудына.
- ❖ Марий йылме дене эртарыме конкурслаште ончыл верым налыт гын, куанже могай!

Южо ача-ава марий йылмын күлешлыкшым огыт акле, шочмо йылме дене огыт кугешне. Лиеш тыгаят, марий йылмым тунемаш огыл манын, йодмашым возат. Тидыже пеш чот тургыжландара.

Н.И.ПЕТРОВА, туныктышо.

Филологий шанче доктор, профессор Иван Григорьевич **ИВАНОВ** «МУТВУНДЫНАМ ПОЙДАРЕНА» книгаштыже «мутчо» мутым тыге умылтара:

МУТЧО – словесник. Марий мутчо. Тиде аудиторийыш

Марий ўдыр

Сылне марий вургеман, вич ияш Вика Щербакова Йошкар-Оласе 10-шо номеран йоча-садыш коштеш.

- Марла сайын мутланет? – йодам.
- Моштем. Каныш кечылан коча-кова деке чўчкыдын коштына, – оила тудо. ВIKAN аважын, Зинаида Евгеньевнан, полшымыж дене рашеме: изи ўдырын коча-коваже-влак Кужэнер районысо Йорош да Кугу Чарнур яллаште илат. Вика ден Сергей изаже нунын деке унала кошташ моткоч йўратат. Кок кова тамле сий дене сийла, а кок коча модмашкат пырля ушна. Вика почеламутым сылнын лудмо конкурсышто В.Апакаевын почеламутшым сылнын йонгалтарыш. Иктагашыже-влак коклаште кокымшо верыш лекте.

Оласе марий йоча

Л.ГРИГОРЬЕВА.

«Кудывечыште» **Авторын фотожо.** «Ял илышым, суртысо кайыквусым, вольыкым сайын палы-мемлан кўра почеламутым куштылгын лудым», – мане Вика.



Эн устаже – сеньыше!


Землякына-влак С.Григорьева ден З.Дудиналан лўмгечыштан пўлекым ыштышна. Почеламутыштым сылнын лудмо конкурсым эртарышна. 1-4-ше класслаште тунемше-влак коклаште Л.Соловьёва, К.Шарабуева, В.Петухов, а кугурак-влак коклаште А.Чендемерова, А.Таникеева, В.Петров сеньыш лектыныт. Туныктышо да ава-влак, У.Э.Конакова, Г.Ф.Петухова да А.Е.Таникеева, мастарлыкышт дене ойыртемалтыныт.

С.Ф.РЫБАКОВА, туныктышо. Шернур, Шўдымарий.

1 Йодышлан вашмутым пуыза.

1. Йошкар-Олаште мынар театр уло?
2. Эн ончыч могай театр почылтын?
3. Могай театр эн самырык?
4. Тый могай театрыште лийынат?
5. Пытаргыш жапыште могай спектакльым онченат?

Күжшö категориян туныктышо, Россий Президентын грантшым кок гана налше, Россий Федераций общий образованийын почётан пашаенже, Йошкар-Оласе 21-ше номеран школышто кугыжаныш марий йылме урокым вудышö О.Н.ВАСЕНИНА ямдылен.



«Кызытсе Йошкар-Ола» 8-ше класслан тельм иктешлыше заданий-влак

2 Кажне учреждений көн лумжым нумалеш? Чын верандыза.

Яков Павлович Майоров - Шкетан	Марий кугыжаныш филармоний
Эрик Никитич Сапаев	Национальный тоштер
Сергей Григорьевич Чавайн	Тұвыра да сымыктыш колледж
Тимофей Евсеевич Евсеев	Национальный книгагудо
Валериан Михайлович Васильев	Марий кугыжаныш драме театр
Иван Степанович Ключников-Палантай	МарНИИЯЛИ
Яков Андреевич Эшпай	Марий кугыжаныш опер да балет театр

3 Предложений-влаклан йодышым келыштарыза?

- 1) «Дружба» стадионышто реконструкция эртен, 2008 ийыште стадион уэш почылтын.
- 2) Тушто латкок тужем энлан трибуно уло.
- 3) Стадионышто Теннис корт ден Ий полатым чоненат.
- 4) Футбол дене модмо пасумат уэмденат.
- 5) «Дружба» стадион – калыкын ик эн йоратыме верже.



4 Йошкар-Олам могай ийыште тыге лумденат?

- _____ - Царёв город на Кокшаге, варарак Царевококшайск.
 _____ - Краснококшайск.
 _____ - Йошкар-Ола.

5 Йолташетлан Йошкар-Ола нерген серышым возо.

Салам лийже, Йыван!
 Таче тый дечет серышым налым да вигак вашмутым возаш шинчым. Тый Йошкар-Ола нерген возаш йодынат. ...



6 Йошкар-Оласе тоштер-влакым палыза.

Тиде тоштерым 1920 ийыште почмо. Тоштерын тужвал тусшö пеш мотор. Тушто шүдö тужем наре ўзгар аралалтеш. Пүртүс отделиште фотосүрет, табице, экспонат-влак улыт. Тыште кундемнан пүртүс ойыртемже нерген пален налаш лиеш.



Тоштерыште акрет годсо айдемын илышыж нерген каласкалыше экспонат шагал огыл.



Тиде мемориальный тоштер-пöрт историй шарныктышлан шотлалтеш. Тудым 1961 ийыште почынат. Пöрт көргыштö кум пöлем уло. Экспозицийыште рукопись, вургем, түрлö ўзгар ончыкталтыт. Тоштерыш оласе калык, уна-влак, тунемше, студент-шамыч кумылын коштыт.

7 Йошкар-Ола мучко кошташ экскурсий маршрутым ыште (схемым сүретле).

Йўлана
илана



Муҳинин корныж дене

Школыштына «Поэт Н.С.Муҳинин корныж дене» у кружок почылтын. Тудым Олыкъялысе Музей-пörтын шанче пашаенже Лев Александрович Сошин вўда. Кажне вўргечын ме, 5-6-шо класслаште тунемше-влак кружокыш куанен коштына. Тыште писатель, поэт Н.С.Муҳинин илыш корныжым да творческий пашажым шерына, почеламут ден изирак ойлымаш-влакым возаш тунемына. Але чылажак сайын огеш лек, да Лев Александрович оила: «Чыват муным мунча, да чывиге вигак огеш лек, тудым пўктен шинчаш кўлеш». Кружокышто мыланна пеш келша.

Надя ПЕТУХОВА, 5-ше класс.

Морко, Купсола.

Ик кечын «Коча-кова илыме жапышке пörтылына» лўман мероприятийым эртарышна. Кугезе коча-кована-влак ожно могай вургемым чиен коштыныт, тудым кузе ямдыленит – пален нална. Удырамаш вургемым чиен ончышна. А Владимир Бекешев гын тошто марийыш «савырныш».

Идалыклан ик гана



Марий пайрем

Ö буква

Ö буквам кунам возаш?
Öрыктара мут мучаш.
Түрлө семын толашем.
Пудыраныш чылт ушем.
Күртнө, шүртө, пүчө, күчө,
Күшнө, күшкө да күтүчө.
Ў ўмбак возеш пералтыш,
Ö буквам возаш шарналте.
Мөнтгө, шөртнө, нөплө, нөшмө
Мут пералтыш раш, конешне.
Правил тыгерак оила,
Тидым кажныже пала.

Н.Д.ИЛЬИНА.
Волжский, Карай.

1-ше Морко йочасадыштына «Шорык-йол» пайремым пеш веселан эртарышна. Поро кова мөчөр-влакым вашлие, нуным пүкш дене сийлыш. Вара икшыве-влакым түрлө модыш дене модыктыш: мундыра гыч шүртым шўдырыш пўтырыктыш, йыгыр портышкем дене куржталыктыш. Пайремын унаже Васли кува-кугыза-влак лийыч. Нуно кован кидпашажым аклышт, поро тыланымашым ойлышт. Йоча-влак изинек марий шўлышым шўм-чонышкышт шынгарен кушкыт. Тидыже эн куанле.

И.АЛЕКСЕЕВА, воспитатель.

У муро

Йоча-влак, тыланда - муро
пөлек. Ончыкыжым тыгай
муро кажне тылзе нерген лиеш.

Шорыкйол

Мутшо ден семже Олег ГЕРАСИМОВЫН.

Теле тылзе –
Шорыкйол,
Пайремжат тыгай –
Шорчол!

Припев:

Теле каныш – ече ден
Мунчалтена куанен!
Шорыкйол пайрем
кастен
Коштына ме юарлен.

Теле, тый улат
кой(ы)шан:
Таче йўштө, а эрла?

Припев:

Но садак ме чыланат:
Изижат да кугужат –
Толметым пеш вучена,
Вучена, ямдылалтына.

Телыжат эртен кая,
Эх! Пайремым

Припев:

Она саке ме вуйнам!
Ушанена: вес ийлан
Шер теммеш мунчалтена,
Мөчөр лийын коштына!

Куанек

Теле-тылзе - Шорык-йол, Пай-рем-жат ты - гай-Шор-чол!

Теле-каныш - е-че ден мунчал-тена ку - а-пен!

Шорык-йол Пай-рем кас - тен кош-ты-на ме ю-ар - лен.

Газетым Печать да массовой коммуникаций шотышто федеральный агентствын финанс полшымыж дене лукмо.

30 январь – Йүштө Кугыза ден Лумүдырын кечышт

Пеш весела

Теле каныш толын шуо,
Йоча-влак пеш юарлат.
Кидышке издерым налын,
Курыкышко чот вашкат.
Йонгыдын шокта йүкнаже,
Чылалан пеш весела.
Курык гыч чылан рүжге ме
Куанен мунчалтена.

Карина ЗОСИМОВА.
1-ше номеран Морко школ.



Волжский район
Пөтгьял школ
гыч Артём
АЛЕКСЕЕВ
(1) ден
Николай
СТЕПАНО-
ВЫН (2)
сүре-
тышт.

Ты кечын Йүштө Кугыза ден Лумүдыр нерген йомак ден легендым каласкалыман.

Огай

Маска январьыште иктаж кок-ныл игым ышта. Маскаиге-влак пундымо, пел килограмм нелытан, сокыр шочыт. Маска игыжым пеленже кок ий ашна. Кумшо ийлан вынемым кажныже шкаланже шке ямдыла.



Йүштө телым вученам,
Курыкыш мый миенам.
Шер теммешке мунчалташ,
Яндар юж дене шүлаш.
Алексей ВЕТКИН.
Морко, Нуж-Ключ.

А мый мөчөр олмеш лумүдырым ненчаш шонен пыштышым. Изамат полшыш. Кертна вет! Моткоч чапле үдыр лекте.
Дмитрий АРХИПОВ.

Лум мөчөр

Лум пушкыдо, ночки. Ме лум мөчөрым ыштышна. Вара чодырашке кайышна. Лум үмбалне янлык кыша-влак койыт. Тугеже чодыра ила.

Максим НИКОЛАЕВ.
Морко, Коркатово.

Кормушкым ыштенам

Кужун вучымо теле каныш эртен кайыш. Каникулышто мый чодырашке ече дене мийышым. Кыша почеш коштышыла, кок мераным ужын кодым.



Курыкышто издер дене мунчалтышна, кугурак-влак дене пырля мече дене модна. Эше мый кок кормушкым ыштенам, кочкышым пыштен, пушенгыш сакенам.

Мемнан пўя үмбалне кажне кечын колызо-влак погынат. Мыят ик кечын волен ончышым, но мылам пиал ыш шыргыжал. Туге гынат, кумылем ыш вола.

Олег ЕРШОВ.

У Торгьял, Тошто Торгьял.



Арвер-влакым сүретыште му.

Теле каныш



Кокымшо тунемме чырык шенгелан кодо. Школышто кож йыр мурен куштышна. Вара лотерей дене модна. Ура!!! Каникул тўнгале. Ме йолташем-влак дене курыкыш мунчалташ кажне кечын коштна, лум коклаште «базым» ыштышна. Кужэгерыш кокам деке миенам. Шернур гыч акам-влак унала толыныт. А ик кечын мыйым Йошкар-Олашке пўйым эмлымверышке намийышт. Тушто икымше гана лийынам, лўдын омыл. Теве тыге теле канышем эртен.

Сева НИКИТИН, 2-шо класс.
Кужэгер, Шўдымарий.



Морко район Шенше села гыч ныл ияш Аделина Иванова.

У Торъял район Токтарсола школ гыч Родион Небогатигов.

Эн ушан

Тале математик улметым ончыктынет? Тугеже йолташетлан тыгай заданийым пу. Тек тудо кум цифран числам шона. Почешыже тиде числамак воза. Тудын **куд цифран числаже** лиеш. Ынде тудым **2-лан шукемдыже**. Вашмутым ончыч **7-лан**, у вашмутым **11-лан**, вара адак **13-лан** пайлыже. Йолташет «Пайлымем годым тичмаш вашмут огеш лек» манын ойлагын, каласе: «Тичмаш вашмут лекшаш, йонгылышетым кычал». Мучашлан лекше вашмутым тыланет каласыже. Тиде числам тый вашкерак **2-лан** пайле. Тыге йолташетын шонымо числаже лектеш. Чын вашештыметлан тудо пеш öреш. Теве шкат ужат.



Тушто

Чашкерысе мурызо «Шүкшү пүй! Шүкшү пүй!» манын мур. Могай кайык? **Кристина КУРОЧКИНА.** Кужэнгер, Йүледүр.




Февраль леве дене куандара, йүштö денат перен пу.

Синквейн

Теле

Йүштö, шыде. Кылмыкта, йошкарта, шортара. Изи йочан шинчавудым лукшо Пургыжна. **Елена ГРИГОРЬЕВА.** Морко, Шүргыял.

Йоча-влакым уремыш лум дене модаш чиктен колто.



10 ойыртмывым му.

Индекс: Марий Элыште, Пошкырт ден Татарстан кундемлаште - П4696. Тираж 1000 экз. Заказ 123. Формат - А-4-8. Директор-түн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru Сайтын адресше: yamde-lii.ru, Тел. 45-25-49(факс); 45-22-82.

выктыме. Типографийын

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым редакцийште погымо да верстатлыме, «СТРИНГ» ИПФ ООО-што ямде оригинал-макет гыч са- адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральний службыв Приволжский федеральный округысо управленийыштыже регистрироватлыме. Номер - ПИ №ФС 18-1999, 2005 ий 10 февральыште пуымо.

0+

Соцсетьюсе адрес-влак: ok.ru/yamdelii vk.com/yamde_lii

Авторын да редакцийын шонмашышт түрлö лийын кертыт. Серыш-влак мөнгеш огыт колталт.

Ак - кутырен келшыме почеш.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.